

備圖詩序

王火如



備廬詩存卷三

遼陽袁金鑿兆備

戊辰

循行故宮東路春寒料峭雨氣溟濛悵觸吟懷獨成四首
金鑰弛貞順得門歷歷看雲廊深自靜煙樹寂逾寒珍品豈不貴
紛羅孰克殫娜嬛雖福地熟觀亦常觀

其二

春氣動盈掬濛濛路不明牆陰微雪在宮樹嫩寒生雨點融塵溼
風痕拂袖清巖廊行欲徧岑寂發詩情

劉鯉門四十繪圖徵詩

題機聲鐙影圖

古之賢豪流每每受母教畫荻與丸熊前徽此大較卓哉劉氏母
淑慎仰風貌有子甫三月失怙占悲玳寡鵠咽哀音節行自振蹕
機聲鐙影中課子收奇效學殖播聲名培根在家校母以成其慈
子亦成其孝

題法庠讀律圖

朝廷廢科舉變法興學日陪都文化新法政究學術蘇州實監督
庠序規條密懷園正綺年翩然獨秀出一鳴輒驚人課課試第一
卓犖震英聲湛深研法律項背不敢望儕輩爽若失秋鷹整翮來
雲霄一瞥疾

題黔靈雅集圖

既讀萬卷書須走萬里路羨君賦遠遊黔南容小住頗聞多好山
峰巒難悉數崒嶂與窈窕迤邐繞雲樹公餘汗漫行幽景爲暫駐
飛觴作拇戰鬥詩聯妙句吾今披斯圖欣然生餘慕山靈呼欲出
恍惚如有遇

題天壇草憲圖

一腔專制心謬託曰立憲自欺復欺人行爲等贗販天壇極高深
宏基棟樹建顧諟帝謂通不愧賴方寸誠者物終始相去何止萬
議院諸巨子草創思貢獻惟題目已差何怪留餘恨吾子枉廁中
餘子尙奚論

題烏臺秋繫圖

苟無愧於中何在而不可素患難可行究何損於我我昔在縲紲
屹然日危坐外人嘉歎頻謂能處坎軻君爲草憲累意與初念左
結局自當然何嘗風浪叵迄今一回思意味妙亦頗萬惡緣自由
拘束算甚麼

題居庸攬轡圖

我登八達嶺居庸峙雄關長城萬餘里高處費躋攀重重疊蒼翠
繞路擁衆山往年爭戰地甲冑想躬擐相持甚劇烈溝壑碧血殷
天道胡不仁縱令門觸蠻壯士腦塗地辭家去不還征馬立不動
飲泣淚潸潸

題金陵訪古圖

江南佳麗地山水俱清秀興亡送六朝往蹟留宇宙笠衫訪古來
名勝處處走不負此雲山賴有詩篇富君我生關東醫巫列閭右
千華峙城南拔地勢雕鏤相較果何如雄偉亦不陋眼界須放開
何爲小於豆

題富春問釣圖

子陵播清風垂釣據寸土惟我乃獨尊一切任仰俯特開節概門
於世大有補胡爲明高皇著論妄相侮祇知帝王尊恃勢張罪罟
轉瞬化煙塵釣臺自千古與君放浪行問釣搖柔櫓雲山江水間
高人庶可覩

高入上巳日北海舉行修禊余由奉歸來到京已遲分韻得遇字
不可無詩以紀

人生如萍水有遇有不遇勝地敞高筵叔度來何暮鋒輪甫抵京
盛會半日誤相去咫尺程羈絆累俗務遐想上巳辰自昔存掌故
東晉千餘年流風殊可慕當時雖偏安江左循舊步今日是何時
蒼茫憑四顧主人興不淺北海暫小住簪履集名流杯盤置交互
塔影漾中流瓊島春陰護庶幾祓不祥淨掃欂槍霧雖未躬其盛
拈韻略詩賦願補來歲歡欣欣重驥附

仙舫刊石琴廬詩集爲賦五古三十韻以當序言

共學重切磋立言悉根柢人罕窺其深吾能揭所以髫年剛十七

識君蕭寺裏

余時讀書曹官寺與君初相識君時念一歲

瀋遼近接壤相距祇十里衡

宇鎮相望盈盈隔一水彈指四十年形骸忘彼此師友濬淵源德業資礪砥餘事託謳吟
屹揚性所喜我詩率胸臆粗枝大葉比君詩抱仙骨妙筆融畫理
乙乙思若抽冶鍊去渣滓五言境獨高唐賢奉遺軌七截尤擅場
風格振浮靡秀韻本天成揮灑挹神髓真氣自流行掉臂靡所倚
遼東諸老後騷壇成一子性命寫靈源豈曰猶小技慨自詩道微
奪朱競浮紫欺人以自欺詞華雜糠粃門徑味清真敷詞蔑原委
咭崛炫奧衍堆砌矜麗綺無識詫神奇經久蒙詬訾此事貴
心得塗飾洵可恥君乃軼羣流吟詩契微旨餘味能曲包清芬
浸牙齒讀詩如見人正聲諧宮徵惡我近粗疏學

步未足擬豈敢汨其真沾丐薰蘅芷今當大著刊流傳付闕劄略
抒所欲言望風殷仰企典則貽雅音知言其可俟
柯鳳老八旬迎壽祝言

蓼園日舒長禔躬於熙緝歲月彌可珍明年整八十煌煌德言功
君子有三立著作業等身修綆古猶汲耄而能好學孳孳如不及
此詣良可欽請益思經執

崇效寺看牡丹題青松紅杏圖

明末洪承疇將官某以松杏山之敗績遁跡空門法名智

朴挂錫茲寺繪青松紅杏圖徵人題詠已積成兩巨册矣

興亡俱轉瞬汗馬究何功賸有畫圖在杏松青間紅老僧能入道
往蹟總成空富貴誰經久牡丹頽幾叢

金少保息侯贈郝雪海中丞墨蹟用以轉贈鐵嶺銀岡學會
爲永久紀念爲詩以識

郝子講學地銀岡舊澤深偶逢遺墨蹟如見昔賢心移贈延嘉惠
傳觀重藝林高山藉瞻仰珍護比璆琳

楊雲史贈詩步韻奉答

作手眞無敵奇情拍案驚此才不易得斯世可橫行高格清超露
新詞跌宕成幼安相見晚避地到陪京

五十九歲生日自敘百韻

吾生五十九六秩曰迎壽戚友詢往蹟雪鴻可回首毅廟之九年
丙戌閏隨後日午時在亥降生墮塵偶幼小不好弄事事記都否

九齡入村塾誦讀艱上口十一智慧開講經能聽受就將八九年

文字獎師友弱冠試黌宮附驥名在右己丑初試取合字號第十六名文庠生花燭

並迎昏內子蘇利貞名坤亨與吾同庚是歲六月來歸食餼哀居首庚寅科試取第一補廩膳生秋闈

再鍛羽辛卯癸巳兩次癸巳遭訟累為生平第一厄運飽嘗憂患自此始矣然得力處亦在此厄運六

七年甲午庚辰房薦母憂鬱痛淚乙未丁滿門桃李陰有教廣無類在里設帳

從遊甚衆庚子拳禍猖時年三十一命運轉順亂離家資墜逃歸仍設帳潛修冀

幽遂貢樹屨發春青青子衿易壬寅以歲貢候選訓導拏空巨盜兇焚掠等

兒戲王海山盜匪數十來村焚掠居既不能居避亦不能避忠憤填五中俠骨

奮義翅勢處萬難乃學徐剛靖公出辦鄉團擒賊先擒王辦團動拊髀誘擒主動陳某置諸法

藩遼八十鄉固結成一體總辦潘遼交界呂方寺巡警總局從井敢救人冤抑不

求洗保村長鄒明顯拘於警務課无補老人來鈴轅謁戟槩知己

洵第一議論無觸抵警政甫卸肩以東路巡警局董考察程又啓

隨王采丞川督特保荷剡章殷殷陳明陞由候選訓導特保憲政

萬萌芽自治期有濟戊申丁外艱時以遼陽巡警議局得廁身被選

副議聯合會京邸辛亥夏開聯合會於京師與譚祖庵湯濟武諸

奏請勿以親倏忽已三年素餐賴有泚辛亥八月秋政變轟然起

東陞特別地維持室虞毀泰安幸重來臨溟實柱砥我亦竭棉薄

禍福置生死忠清直亮褒京卿荷榮璽原奏有忠清亮直民政不

欲肩帷幄惟力視次帥屬就民政司使讓王岷源王未就赴鄂經

阻遏壬子代表鳴江嫌避徒有主張就探財司辭再三議會仍姑

止任命奉天財政司約法暫寄蹤民三為約史館憑文充清史館協修

參政拂袖歸籌安置弗理民四辭參政回奉恆豐董實業為恆豐公司董事國會

避選舉丙辰長祕書竭誠佐新政如以石投水納諫容規做政治

極清明屏邪羅羣正園法穩而平不為民所病卜奎賦遠遊江東

膺函請居諸閱念月雞林復辭聘東路翩然來廣平聯歌詠宋鐵梅先

生邀為路董整暇理著書講義寫心性著中庸講義並擇抄以較誦詩

編前後亦相映在龍江曾著誦詩隨筆中作連灣行避奉天省長一席在媾

和緩兵競與鮑廷帥奔走奉直議和事三年零三月理事名稱易與蘇聯協定後代理事長

艱煩四月中苦惱增痛劇決絕賦歸休辭職念餘日始照准陳編玩朝夕在家

半年整理藏書目錄偷閒甫半載臨時參政席段執政倒戈後出京郭亂最

查賑朔吹迫齒牙忽動搖衰象露行役周旋奉晉間好友合程迹

與田總長子琮
接洽奉晉合作

清史萬世業創議刊稿籍急起而直追猛進無餘

隙幸獲觀厥成疵類任人摘石破倏天驚早歸纔十日雖未與慘

難獲免仍惕怵遇變敢張皇贊助籌靜密

臧奉久劉海泉實當其
衝余與王維宙諸人贊

助之履虎恬不驚氣象羞縮瑟政柄喜繼承前途日轉吉逢茲懸弧

辰往蹟略自筆蹉跎將六旬忽忽若自失吾生出德門培植厚陰

鷺

單義甫喻雪航兩君談命
相均謂生於積善之家

咸稱父母賢生兒好性質其實亦恆

人敢曰非常匹記昔五十春詩書覓生活言行誓不欺懷清汗自

拔喜慍不驟驚襟期近開豁疾惡敢若讎慕賢卻如渴禔躬未謹

嚴禮儀更疏脫識力屹若山主見不易奪

吳蓮伯極
歎堅定

毀譽順逆遭

頑皮概煞抹張仙舫以頑皮二字賅之此雖戲言確是實錄聞達澹無求苟全希侯葛濟

物甘兆備嘈雜任耳聒隨遇聽自然規為傷迂闊祖產銷折罄余家

本中資以訟累世變至三十五六歲時無一隴之植一瓦之覆矣俸給安厚薄不曉家室謀奢望

羨濟博似此窮措大幾何不落魄所賴健婦能艱苦耽索寞呂邨

自鋤園卓行覽諸作內子艱苦卓絕之行均詳呂邨鋤園圖諸詠尙恣購羣書資余以

為樂購書不涉哲弟代箸籌鞠瘁彌謹恪內弟蘇君蒼岑為余經理田產受裨無量已了

向平願子女各三閒雲可翔鶴廬懷梓桑憂眷眷責難卻遼陽有榆梨山

館不知何日歸休前路眞茫茫遇事費斟酌人生須自立壽夭何足計上

者立功德次亦傳文藝愧我百無成抗懷結稷契問客果何能殊

無裨於世願為桑榆補勤勉加砥礪鳶魚浩其天風月仰光霽勿

喪其本來勿惑於時勢省志盼成書網羅彙典制年長德未劭慚
報負多歲所丐箴闕失溢量差誇麗

赴法庫之柏家溝

裴宅題主

驅車出郭道雲物轉荒涼淺雪融留白深沙碾露黃河流石佛古
山色柏溝蒼顛簸雖無礙行程半日忙

楊雲史五十有四爲詩以祝

萬里江山好畫圖詩懷詞筆入追摹著書草稿琳瑯富潑墨梅魂
氣味腴馬帳傳經薰鄭婢龍門遊蹟伴清娛綵觴客邸欣然醉我
本高陽一酒徒

陳鶴蓀之胞姪女禮行納采于歸有日因即用陳家詩學事

蹟所謂俯拾即是不取諸鄰亦閨門之韻事也

穠李夭桃寫豔圖姻緣佳話媿陳朱夙聞蜀道聯吟集好嗣芳徽
肖祖姑

己巳

題趙迺棠師竹齋詩稿一首

靜者心多妙騷壇語獨真艱辛成熨貼平實出清新僻處能超物
誦詩如見人虛心託師竹一卷自堪珍

車中口占

平疇隴畝綉鱗紋入望迢迢趁午曛連日南風吹不住大隄楊柳
綠如雲

靜觀居士自訂年譜書後一首

回首光陰七十年清華爭仰玉堂仙椿萱怙恃縈沈痛桑海遭逢
歷變遷事業詩書通性命淵源師友誌因緣靈光魯殿巍然在自
寫鴻泥視此篇

朱子良給諫八秩大慶鄉舉重逢

我生初墮地公已歌鹿鳴高齡屆八十燕桂發重榮憶昔辭木天
部曹蜚賢聲豸冠標勁節巡視來西城給諫陳積弊抗疏嚴以明
踐履稱篤篤實器識涵淵宏年高德彌劭楷模式後生

往年赴龍江長祕書臨行寄存圖書館書籍三百餘種本日
取回滿十年矣光陰彈指曷勝慨然

驀覺居諸已十年青緇重撫爲瞿然未亡亦似良朋憶無恙休誇
故紙堅卷裏光陰驚事變官中照拂荷周全吾廬聊比陶彭澤度
架新營屋數椽

由省赴新民張屯

董宅
題主

往復得詩四首

年餘停駛轍事變慨曾經

去歲由京回奉以後
未曾西上已年餘矣

曉日人西上秋風

路北寧高禾見成熟百卉觸清馨車馬忘煩殆慵懷頓爲醒

其二

古道少人行驅車趁午晴蕭然來曠野新趣勝居城禾黍高低隴
溪邨遠近程張屯迎咫尺雲樹望崢嶸

其三

十里肩輿穩居然也是官行行前路近簇簇衆人看將事終宜慎
尊賓禮不刊餼羊存古意鄭重足參觀

其四

斯禮猶沿守昔賢翼教功書儀傳涑水數典溯文公愧我典型異
邀人敬肅同敢云苦勞頓勸孝葆淳風

讀嵇叔夜集

俯視空儕輩離人嘆德孤況生婪穢世遠結伏軒徒宵小陰媒短
他年亦喪軀廣陵高調絕掩卷爲長吁

題李懷星遺詩

如此清才世所稀幾回披讀爲歔歔顏淵短命留遺著伯道無兒

隕少微性好憂傷非福相語關痛癢見天機遼東詩錄能存稿慰
爾泉臺願不違

傅將軍宜生來遼賦贈

涿州一役堪千古模範軍人海內驚忠信果然爲甲冑國家賴以
作干城樞機興替關王道心膂維持仗至誠渴俟河清我將老幹
旋大任望擔擎

庚午

雙城韓斗瞻

光第

旅長事略墨跡爲題七古三十韻

朔風慘冽冬日殘陰雲黯澹沙場寒將軍臨敵迸忠肝馬革裹尸
心乃安雙城崧毓降才難早歲雄登大將壇連年戰蹟久不刊札

蘭一役提旅團對外決心獅怒搏萬夫辟易其神完礮火無情匹
馬盤有進無退力畢殫任教鋒鏑簇刀癩慷慨授命無嗟歎英風
所播聞鼻酸沙蟲猿鶴翔鳳鸞生平夙履耐人看縱橫墨瀋零露
溥蔚爲巨冊成大觀淋漓揮灑翻波瀾吁嗟乎百年日月跳雙丸
銷磨一睡與兩餐不然內閔逞戈干爭如蠻觸揉升竿何若韜略
裕桓桓甘心報國斬樓闌權衡輕重審其端不辭被髮與纓冠寄
語國內材武官疇爲模範荊州韓

周生孝若送雄雞二以能司晨米豆畜之
城居久不聽斯聲喔喔堦堦曉夢驚覺我黎明思即起憐他羈絆
尙能鳴材非可棄仍須養物既有功豈忍烹士雅壯懷今已矣書

窗相對話平生

邵慎亭出冊子求書爲求楊子勤王晉卿吳向之吳北江許
季湘金息侯王希哲王維宙張庶詢陳慈首夏頌來沈硯

裔諸人書之信筆爲題於冊尾而歸之

寫字諸人皆現在轉瞬即皆成古人中有數公可不朽字無美醜
皆可珍箇中都亦非凡品一時不遽作灰塵藏此冊者勿輕視文
章經濟各有神他年有人來視此如何月旦自有真信筆書此亦
有趣雪泥鴻爪留緣因

題黃黎雍千華覓句圖爲無錫楊令蕪女士所繪

吾郡聳千華長白分支認躡躑踵相接張蓋恣紳縉誰不負雲山

詩人到亦僅江夏苦吟身摩天揮巨刃橐筆翩來遊佛頂不辭峻
無量俯龍泉煙鬢渺霧鬢山靈貢厥奇吐獻奚所吝無窮出新鮮
峰巒列成陣好句貯錦囊嘔肝肆孟晉勝彼灞橋中驢背詩思雋
歸來繪作圖梁溪筆法潤是詩得是圖銖兩乃悉稱簪花筆入神
畫稿荆關震妙幅足流傳風騷其可振

贈李鶴翔將軍

際春

君有轉旋力遼人誰復知大多登鬼籙往迹付枰碁人事已如此
餘生何所爲回頭渾似夢相對觸遐思

其二

訪舊半爲鬼驚呼已熱腸況今二十載人事幾滄桑留我未衰朽

喜君猶健康相期各努力明德寶餘光

重印桂林霜傳奇題詞十首

事略初披授命臣始知文毅是鄉親精忠媲美螺山范感喟梓桑

大有人

弱冠讀先正事略始知文毅爲遂陽人

其二

清容椽筆擅詞場鐵板銅琶慨以慷閒話偶聆學士語曲牌亟覓

桂林霜

世仁甫言蔣清容著九種曲亟購之

其三

雲仍穫落壠邱殘忍把碑銘貨冷攤驚悚驅車果尋得滌塵剔蘚

細捫看

陳慈首孝廉言馬誌售於古董攤爲直隸某君所得置畿輔先哲祠卽驅車往訪

其四

忠賢遺蹟慨飄零鄭重商還置館庭三百金錢承讓與鬼神呵護

仗威靈

由安瀛澄參事商安取置奉天會館後運歸藩垣博物館保存

其五

石背詳鐫本末由摩挲氈蠟比圖球文章氣節俱千古萬丈光芒

射斗牛

敘得誌本末刻於石背

其六

燕京氣象異從前繩橐持歸返故川博館自今添重器盤匝鐘鼎

亦粲粲

運返奉垣尙稱得所燕京故宮所藏且不能保守矣

其七

無端家傳驀相逢什襲珍藏啓舊封世胄扶風盡詳載延津劍合

詔雙龍

於金息侯座上得公子中丞公寫本家傳遇合之奇得未曾有其隨墓誌以俱來則鬼神實使之天人之感如此

其八

一帙傳奇幻墨雲海龍太守意慙慙重翻萬本宣傳徧爲綴題詞

當序文

白君佩珩主張印行此書以廣流傳印千部已售罄矣

其九

清才如果遇鉛山樂府新詞續雉班兩事允宜填雅調歎歎感唱

淚應漣

贖誌購傳兩事若得填詞家續於此書之末則天然實事妙文可垂千古應與清容并傳

其十

太息才難可若何苦心彌憾爲張羅桂林霜後添新闕萬古流傳

續妙歌

五洲六橋都護爲余畫扇以詩贈之

將軍誠善畫國色絢奇葩爲我一揮灑能開頃刻花南田精染翰
北苑媿清華具此化工筆抽毫興靡涯

生日旋里祭墓

數載阻邱林今晨抒奠忱松楸森樹節冰雪照人心祖澤綿綿遠
余懷渺渺深馨香薦明德佇立寄孤吟

王晉卿先生八十自壽詩五首步韻敬和

誦詩披下泉愾嘆念周京剝極數必復消息本不停云胡禍機伏
寰海未弭征良由背正軌邪說恣縱橫仁義道日晦私利拏紛爭

文學更歧異詩書蔑正聲日星黯無色淒清霜露零伊誰復古學
用式我後生

其二

新城王方伯木鐸世以警度遼季漢風卓然今管邴文采尤過之
傾吐不少梗大府重經師不憚再三請皋比道彌尊虎豹大文炳
諸生環座聽浮囂氣都屏經經緯史中精研忘漏永

其三

驅人肆利慾力甚萬火牛疇克陷陣破神勇逾蛟虯先生善教誨
正邪驗睛眸因文而見道相勗以千秋如是乃吾徒否則拒不收
相期共努力憂道貧弗憂杏壇追盛軌人如洙泗遊門牆羅將相

公侯詠好仇

其四

先生真好學發憤不知息生安兼困勉人一己則十意味蘊醞醞
譬飲忘暗醺昔年蜀隴遊戈壁遠出塞政績龔黃儔雖毀無由蝕
鳳鸞翔千仞豈屑棲枳棘翩然賦歸來當幾靡眩惑首陽厲高節
百年辨一刻不隨末俗移後彫存古色

其五

高齡臻大耋雄文發奇芒北方學者冠叔世之禎祥芝蘭生階庭
子孫盛諸房貢樹重發春

同治庚午科優貢余以是年生

周甲頎而長慨慷無城

府坦蕩泯迎將大德必得壽理數期頤常春陽回葭管賓朋稱梅

觴和詩略見意措詞敢張皇

石琴廬主爲其姬人畫梅花帳額自題截句一首依韻和之
畫稿詩情坐擁書綠華仙子降塵初無端觸我十年夢紅袖添香

憶舊圖

楊雲史繼配懷夫人仙逝數年頃始瘞玉爲集葩經四章以

當哀輓

墓門有梅有鴉萃止靜女其姝歸於其室

解一

葛生蒙棘斂蔓於域

靜女其變入此室處

解二

溫溫恭人維德之行愛而不見人之云亡

解三寤寐思服如此良人何懷哉懷哉之死矢靡他

解四

辛未

萬壽山司令藏韓斗瞻旅長墨蹟遺函裝池成冊爲題七言

截句四首

慷慨激昂忠憤詞淋漓墨瀋憶臨池毫端挾有風霜氣如見將軍
扼腕時

其二

振筆疾揮一紙書將軍遺墨比瓊琚從來文字因人重什襲珍藏

慎蠹魚

其三

誰識軍中有一韓威聲遠播將登壇裹屍果遂沙場志披讀琅函

見膽肝

其四

此是軍人第一流文詞韜略孰堪侔篋中藏得精忠筆猶有神光
射斗牛

濱江謁新修孔廟敬賦

東路重來日濱江文運昌蜀都鑿石室魯殿媿靈光驚觀荆榛闕
長留芹藻芳瞻依未忍去數仞傍宮牆

鹿樵都護以香珊瑚館詩詞屬題爲賦二首

獨具超塵致清風林下姿遺編留雋語絕妙託新詞暮雨通神夢
朝雲悵別離羨君曾豔福展卷耐人思

其二

香韻比珍琳珊瑚感不禁纏綿名士意旖旎美人心豈未悟空色
其如念惜深影梅菴憶語繼續寫悲吟

湘潭方君榮杲爲其尊人鶴卿先生追繪蟹山風木圖十二

幅遠道徵題爲賦一首

風木蕭森十二圖披唵畫稿費追摹襟懷瀟灑陶元亮詩酒清超
范石湖哲嗣孺誠追警效影堂尸祝見眉鬚蟹山景物今如昔世
澤涵濡仰道模

題畫石

東北吟社詩題限一東韻

一片巖巖石攜來東海東是誰工寫照宛觀勢玲瓏補比媧皇巧
顛憑米老崇拳拳儘生動耿介許相同

東北吟社成立喜賦

此詩社第一課題也

風雅重陶淑文學商礪砥朴塞進文明轉移道在邇吾鄉敦龐姿
尙武載歷史遼東產健兒摛詞妙文士華表憶山人遼陽崛張氏
黃華王老人文翰實高美居士號湛然相業光故里遞及曼珠興
武健紉餘技八旗英雋才騎射矜角倚廟算示重輕周旋執鞭弭
著述誠華習立言斥麗綺東北無秋闈意思良有以馴致文運衰
鑽研拋故紙卓哉蠹三老風力標正軌未主中夏盟聲光闕幽履
醴醴味和堂高文足衣被黃鐘間大呂鏗鏗震俗靡隨園與同時
但聞箏琶耳厥後詩教微疇克紹諸子雪樵接仙樵差可躡芳趾
此道應繼興無文亦可恥惟乏講習場切磋奚所恃幸值吟壇開

名流萃社裏可友可師才梗相偕蘭芷倡導播先聲揮斤摩巨壘
展也集大成雅南奏宮徵奇美不勝收宏詞蘊奧旨投袂奮然興
聞之色然喜何莫學夫詩舍此復何俟根柢仗槃深精純滌渣滓
真氣灑流行比興含妙理光芒李杜文姑舍派溫李和平中正音
實事以求是上追三百篇窮源而竟委鍛鍊費推敲廓清掃糠粃
爲邦放鄭聲苗莠辨其似不爲靡靡音細響識者鄙他山攻錯珍
君子依樂只茲事貴有恆毅力澈終始一暴遽十寒相去總倍蓰
吾儕庶勉旃貞固誦敬止

偏側

廣廈志未遂湫居本不宏昨聞退官道只得撤旁薨氣象增偏側

馳驅卻坦平最憐繩甕戶毀築若爲情只掛蕭艾蔓兼集會詞則

常理齋觀察殉節錄題後

昔賢殉節後鄉里寂無知授命堪千古愛吟況有詩印書傳萬本

祀館重當時猶惜知公晚流芳史缺辭

吾鄉陳問山劉敬亭張子
溥均入史傳惟無理齋

謁墓祭告樹明堂碑事謹賦

籌度幾經時墓前各樹碑後來有所考此舉未宜遲鄭重標鐫意
虔誠祭告辭松楸留霽色禮意有餘思

窗外生蓼花兩株口占

別闢畦町自作家數株繞屋任杈枒卻添野趣饒生意窗外兩柯

紅蓼花

自述用題李懷星詩稿韻

棟折榱崩楹柱稀被纓往救勿徒歔滿腔惻隱心猶熱八面維持
力亦微天日照臨鑒衷曲人禽交界懷幾希漫將販國來相比砥
柱中流誓不違

灌依有感懷七律一首步韻和之愈作愈多不覺其詞之費
矣計共三十首刪存如左

雷霆精走破空來慘霧愁雲盪未開塞北誰持蘇子節江南眞賦
庾生哀嫌滋旁睨瓜兼李頌寓無疆臺與萊最望威公隆霸業惠
存邢衛感無猜

星軺何日自天來玉帛雍容壇坫開返璧仍完和氏寶苦吟或減

鮮民哀早歸秋戍消兵甲不誤春耕闢草萊另有一番新氣象雲
消霧散免疑猜

不憂不懼勵懷來卻恐咳心打不開偈言相兼中立苦危疑遠引

四圍哀妄希孔墨勤席突忍學巢由閔草萊艱鉅萬鈞逾往日兩

銷獨立耿無猜

往日指辛亥

澤畔行吟苦興來渺無興會俾懷開撫衷酷境惟叢疚逐首新詩
祇寫哀豈有雄心宏建樹仍完素志訪蓬萊鵠鴻獨奮雲霄羽鴟
鼠何緣嚇競猜

步韻和于雲章五古一首

兒女繞膝多不姑而爲媳教養苦無方悒悒不自得前途黑如漆

我行何日息苦海墮茫茫極樂望佛域數理亦微芒讀易玩太極
粹山置酒讌守田福松駒井德三于覺僧卽席有作

塵鞿苦袋鎖心顏又得人間半日閒松自青青人已老雲猶澹澹
鳥初還櫂槍蒼莽闋津海風物清妍憩粹山好酒好花容易醉可
能俗慮一齊刪

十月十三日夜甘粕招飲粹山

折柬相招惠晚餐粹山池館足盤桓樽傾好酒人忘醉座繞羣花
夜不寒雅集襟裾騰笑語交聯縞紵結奇歡闌干斗轉驅車返鏡
火街衢一路看

辛未十一月七日脫卸地方維持委員會委員長責任連日

賦詩得七律十首以誌欣幸

萬鈞肩卸一身輕淺瀨無庸舟再行

小玉吞象占卦謂現時有淺水行舟之象

我愧吉

人承佑相天開坦道覺寬平閒耽詩酒光陰暇坐對琴書心迹清

苦海回頭登彼岸神山縹緲到蓬瀛

其二

東鐵沈沈脫鉅肩鬚眉軒舉樂如顛

當時楊鄰葛督辦曾以笑我此情如昨也

不圖事

合艱虞轍竟使神游浩蕩天陡轉目標移矢的頓清頭腦翦絲纏

何修倖獲蒼穹眷往蹟休披談虎篇

其三

水山複疊路多歧度日如年畏景遲

每日公畢人散始去煩惱愁人苦夜長余則嫌夜短矣

九十光陰眞咀膽百千疚歉寄拈髭

每際無聊
輒託吟詠

桃林忽泛仙源棹

竹葉宜酣酒國卮心果無瑕何所恤雌黃衆口任毛疵

其四

曲終一幕罷聽琴前度劉郎返故林
遂我初衷迎替手撐茲危局
獲同心分憂猶幸能分謗式玉還期更式金
世事茫茫難預料塞翁失馬耐思尋

其五

已料艷城脫岸難不期今日獲游盤
欖槍象現妖懸鏡鑼鼓聲停
揉下竿飲水曲肱眞趣永樂天福地寄身寬也慚未滿三農望
小
雨廉纖略潤乾

其六

苦袋愁絲鎮日纏
光風霽月別開天
往時困憊投溝瘠
此日逍遙化羽仙
赤子阽危誰拯救
蒼穹仁愛獨垂憐
胸懷浩浩無餘物
一枕羲皇帶酒眠

其七

索癥批謬已模糊
猶說從前膽未粗
詈我申申誠畏友
其天浩浩亦眞愚
望君似歲精神苦
度日如年心境殊
惟有無言能遠謗
峰迴路轉到平途

其八

竹葉其八
忽驚裘褐降真人
嚇走虬髯且避秦
草昧從頭猶固陋
英騰有腳

見精神天荆地棘九旬厄柳暗花明千里春正惱萬鈞肩孰卸居
然還我苦吟身

其九

衣狗浮雲變態多鯨濤蛟浪屢掀波文章價賤休談箸武德功成
羨止戈斗轉星移新宇宙鳥驚花濺舊山河嚴江風月無邊好煙
水茫茫著釣蓑

其十

熱腸俠骨自天來劍斲矛炊日幾回慷慨豪情甘負責慈悲佛性
穩遭災已知塵世少相諒猶幸彼蒼不見猜冥漠之中爲昭雪廓
清陰曠鼓風雷

奇刻懷逝二十七首

定州王聘卿總理

士珍

邂逅宮牆曳履從始知柱下果如龍

當世有如龍之喻民國人物以公爲首屈一指

可憐

擾攘廿餘載空谷足音不再逢

襄平趙无補老人

爾巽

見人建樹心先喜詫我幽貞世所稀第一生平屬知己高山流水

識牙微

渾源田我齋總長

應璜

日日觀棋無失著雲山三晉繫斯人論交最晚神彌契風雨談心

滿座春

桐城馬通白參政 其昶

文章本出諸賢上我謂北江論未

吳北江謂先生之文遜於某某此論未公吾不許 味

淡聲希彌雋永望溪惜抱守宗風

金州王鐵菴省長 永江

曾許江陵是霸才起衰式靡手風雷若令際此艱虞會能否非常
局面開

桐城陳劍譚孝廉 澹然

人是桐城文卻異情豪膽大語尤奇每思冰雪龍蛇句咋舌小儒

夢不知

君贈聯語冰雪胸中作肝膽龍蛇腕底如嬰兒

瀋陽張石琴都轉 之漢

幸免危疑震撼時營川先逝鶴歸遲若教驚覩備遭際暴虎當年

遠遜之

余辦陳某時君甚憂慮以視擔任維持會事又相去天壤矣

法庫楊鄰葛督辦

字靈

儻容亡命走東海此日歸來局定新最惜霸才乖末路輪困碧血
失斯人

遼陽宋星五協修

玉奎

絕險鑿幽理法眞立言不苟語翻新起君作我九旬傳躡窟探根
別有神

連灣郭精義會長

學純

鐵菴爭目人中傑究亦無能遠過君知識分明量涵蓋直疑君是

薛田文

長白關國臣監督

海清

天才亮特果非凡開路驩駟下水帆每有需人乏人歎披吟往蹟

檢瑤函

吉林宋鐵梅中丞

小濂

魄力堅凝情性真人稱三硬邁羣倫

張金坡都督謂公寫硬字作硬詩辦硬事可稱三硬先生

拌將書畫娛心癖不蓄餘錢爲後人

公收藏書帖字畫甚夥此外無餘資矣

蒙古世仁甫學士

榮

侍從歸來慨黍離義熙風格見於詩一編講義堪梨棗共說文章

有導師

烏拉成澹菴太守 多祿

大筆如椽孰與儔文壇詞翰足千秋允為烏拉增聲價好共雷溪

水競流 馬雷溪烏拉人以詩名

浦口陳亮伯鹽道 瀏

浦雅一編可長壽文章獨得氣之春詞華冶鍊歸純淨極樂王郎

結善鄰 王作鎬葬於濱江極樂寺與君墓最近

瀋陽戴樸齋老人 格

好善肫肫轉近癡昔賢情狀見於茲 陽明弟子有類 新吾講學奉

圭臬 呂星五講學瓦邨樸齋為介紹之始結契 不介老人親炙遲

遼陽李生懷星 夢陽

正屆亭亭玉立時罡風吹折好蘭枝

廿四年生卒

珠巖閱徧十八首深

許清才似項斯

高蔚然侍御見詩極賞之

黎黃陂總座

元洪

一字拔人稱蔡氏信吾自信兩非虛

今世正人吾甚相信

連灣當

日歸帆早

公回總統任爲吾開奉天省長缺乃由大連返奉

一紙綸音抵赦書

慶勤僖公

恕

西域歸來賸藥囊彌留託寄臥匡牀九重子謚頒殊典萬里生祠

峙夕陽

湘潭洪未丹太守

汝沖

一切人間事不管曉風殘月託孤吟

君工填詞

忍忘車笠當年誼略遂

尼山我殯心

君卒於通天街無以為殯為集資送柩回南

鐵嶺曾述堂廣文

憲文

泥爪浮蹤寄嘅深

君爛七律著雪泥鴻爪集數百首

推敲七字託行吟善承雪海

中丞意徧樹銀岡桃李陰

君辦鐵嶺學務成績甚著

台安張子澐大令

程九

廉溪一逝臨溟黯恰似台安失子澐二十年來殉國難乾坤正氣

孰如君

撫順張蔭華烈士

榕

疑是天風吹下來蹈空翻欲越層臺驚人蛟浪鯨濤起碧血輪囷

惜此才

徐州徐又錚上將

樹錚

制藝名言佩望溪善藏厥用豈容迷如何鸞鳳高翔品不向雲霄

高處棲

方望溪無道則隱文豪傑有志之士又或猝投於禍亂以枉其才而君子則有善藏其用者焉

河北王古愚孝廉

振垚

松筠一別思漫漫俶擾乾坤古調彈默識金臺數駿骨純修真品

歎才難

汾陽王書衡副委員長

式通

共事宮門四月餘和平蘊藉度徐徐

王聘卿總理任故宮博物院委員長余與君副之相處四

閱月無一言之不
合服其德量也

造廬并贊蝸居稱湫隘無妨日著書

辛未因事到奉謂余

所居與本
色相稱

長白詠召南觀察良

腹笥便便記力真朝章世譜數家珍
窶貧賴有書能著憶昔豪華

隔幾人

君中年膺仕以豪華稱晚年貧甚著書自給其情況亦難堪矣

三谷隊長尊人耕雲先生時事感懷二首依韻奉和

無端霜雪鬢毛侵志士徒勞抱苦心
滿地烽煙猶構戰出山雲雨未爲霖
可憐寇盜時相擾其奈和平信久沈
惟學淵明沈醉好義

皇一枕滌塵襟

其二

霹靂聲驚下遠空櫬槍兵象耿天中
衛邢盼拯流亡厄齊晉遙思威霸雄
文化共覘端冕治武成擬頌止戈功
尼山善教七年語說

禮敦詩可卽戎

感懷

不關既往與將來貫澈初終釋謗猜強項有時猶作梗驚心仍恐
再登臺雖云萬事皆天命亦覺遐齡是贅材

小玉謂壽可至七十九或八十五

黽

黽修途通帝載閱無聲臭慎基胎
左上一齒動搖多日夜中撼之而落得詩一首

脣齒相依六十年今朝脫落卸關連遷延積久嫌拖累障礙消除
返自然勢既不安拌去蠹術如治大藐烹鮮一絃一柱從頭數錦
瑟拋殘第四絃

贈闕都統子貞

北風攪雪來嚴寒逼戶牖擁鑪坐斗室和氣可感受滄海詔羣飛
狂濤恣怒吼及溺痛載胥滅頂幾濡首丈夫抱俠腸慷慨無與偶
惡聲至必反不數北宮黜風雨晦未明陰霾靡弗有尼山勉言孫
明哲重保守惟默庶足容韜晦甘居後好誦白圭詩三復日在口
和作步張子晦元韻

雙鯉從天下清光照敝居捫心慚獎飾搔首費躊躇旋轉才終忝
瘡痍禍未蘇茂陵風雨夜久別病相如

備廬詩存卷三終

備廬詩存卷四

遼陽袁金鎧兆備

壬申

二月赴海城

柳拖嫩碧草滋青
南下颺輪駛不停
手把一書看未了
他山秀色到臨溟

和王采臣先生七十自敘七律六首

正值危疑震撼中
遙瞻南極壽星翁
滿腔佛性象乘白
極目烽災羊劫紅
萍泊津沽懷故里
薪傳吾道豈真窮
滄桑變幻隨緣了
衣狗浮雲付太空

其二

湄潭循績堪千古父母斯民何處來
治術純如陸清獻醫方妙媿徐靈胎
愜心文字洵無憾蒿目黎元實可哀
譜入管絃傳雅劇江城五月笛吹梅

其三

扶搖直上路平安梯矗青雲到達官
知己揄揚交口易修途黽勉稱心難
忽升忽轉前程迅獨往獨來古調彈
丞相祠堂拜遺像錦城花好耐人看

其四

追隨旌旆赴全遼峰轉千華驛路遙
霽月光風親道範臨溟寬甸

望星杓登龍桃李花偏好隱豹柏松葉不凋自古勳名勒鐘鼎幸
逢生值太平朝

其五

滄田變象已年年小住津門別有天雲擾乾坤愁態幻日從霄漢
捧心懸中興事業希巍煥末世人情費鏤鐫海角孤臣應泣血忘
懷功罪敢求全

其六

鶴算綿綿到古稀聖賢仙佛路無違清風兩袖塵難染明月一輪
醉獨歸我忘生申遲頌禱人爭私已蔑幾微惟公砥柱中流裏那
管塵寰萬事非

詠白丁香

歸家剛入院

四月五日由長春
回奉值丁香盛開

兩樹白丁香香趁風輕襲姿窺雪

淨妝徘徊不忍去淡泊信懷芳紅紫園林徧紛紛蜂蝶狂

長春益發合銀行樓後紫丁香兩株去時含苞未花歸來紫

褪作粉色矣

地迴春寒重歸時樹未花相違纔十日怒發展千葩顏色已非昔
光陰不可賒奉垣花事歇猶遜此芳華

夜雨懷人

長春一夜雨滴滴到天明枕上詩心遠美人千里程山川多間隔
懷抱鬱縱橫舊雨來何夕挑鐙話別情

贈辛九丹

天成

七古十二韻

早聞龍沙有辛九未識荊州呼負負今來把晤新京城一見欣然
如老友問年轉瞬近古稀矍鑠不過六旬叟胸懷倜儻異尋常淋
漓襟上杜康酒語言伉爽座生風抵掌而談靡弗有詩篇書畫盡
灑落奇氣直挾岷江走

君本蜀人

我生夙性愛奇士呢訾喘喞曰否否

如君乃吾意中人雖沈下僚亦寡偶安得君等數十人挽回正氣
作樞紐贈詩略以寫區區任彼浮雲變衣狗

鷗波吟社五律四首

秋燕

欲去又徘徊西風颯颯來烏衣國何處徧地空樓臺呢語豈無伴

攜雛思復回封侯負相領壯志久銷灰

秋鴻

邊地苦寒重相將羽圖南稻梁謀自遠飛集意何堪作字形如舊
成行序不參明年湘水別北上極幽探

秋蛩

乘時鳴唧唧溽暑已銷沈遠慮志士感深閨思婦心微霜重露逼
背燭接窗吟何事最惆悵悽清託苦音

秋蝶

閱盡繁華境無心戀衆芳畫圖懷帝子幻夢醒蒙莊此日憐金褪
他生悔粉狂春風休得意容易度歡場

鷗波詩社諸君以余本年六十三歲誕辰乃以詩社之題易

爲慶祝之語連篇累牘投我瓊瑤慚不敢承謹此鳴謝

六旬迎祝敞賓筵

五十九歲曾作壽筵當時有自
敘百韻茲於前事不復贅述

彈指流光又四

年事變滄桑無定象邨墟榛莽渺孤煙鏤翰墨留碑碣

近年寫
字刻石

如本村橋碑徐制軍石碣祖塋明
堂碑土佳屯校記李在旃墓碑

著述文言勒簡編

如苦吟草千
文集聯王道

梗概

臆說最悵良朋日寥落人琴感喟付悽然

近年逝者桐城馬通伯
陳劍譚吉林成澹堪蒙

古世仁甫潘陽張石琴金州李在旃李東園本縣于雲章浦口陳
亮伯鐵嶺王作鎬正定王聘卿福建高魚門江蘇言仲遠武進謝

蒼演

其二

奮飛鶚脫漸平和鷁變相乘又逞戈我愧先知無濟事道瞻前路

果如何地方維護曾勞瘁議府蕭閒每嘯歌心迹龜堂應不忝一
菴老學勿蹉跎

其三

年來孫小喜添丁

喜同

平安無疵鯉過庭飛絮沾泥禪不動

絕欲

種蕉學字筆難停

寫醴泉銘

青緗羅列書牀滿

書籍日增

古帖縱

橫墨氣馨

遇碑帖墨蹟之佳者輒購之

且幸細君能伴我詩賡偕老慰衰齡

子

同庚深喜無恙

六日其四

鷗波吟社集羣英祝嘏翻新題目更有甚德能堪受此祇深感荷
若爲情但期胞與宏吾願不負推崇賴有恆略敘近年粗狀況勿

勞遠述綴旒生

過李在旃孝廉墓以果酒祭之并至邨廟觀余曩年所寫紀

念碑有謂刻字甚拙劣者觀之殊不爾知人言未可據也

成五古十六韻

適來謁郭墓路出雙台溝在旃吾老友逝世已數周當時缺躬弔

事冗道阻修文章與品格邈然寡其儔父老重宿望豐碑爲君留

囑余作正書好醜付悠悠今適過君墓祭禮果酒修墓田多刻碣

先世可探求武功稱盛世旗佐拔殊尤

乾嘉時代兩世官佐領

君以文學顯

光裕名德休祭畢至邨廟

紀念碑樹於邨廟院內

蟲蟲碑石道字法尙不劣

鐫勒森戈矛我非自矜詡不與俗筆侔氈蠟作拓本可供後人搜

社會存紀念此事推金州北風吹松樹濤響鳴颼颼

讀國風三首

至神

神

念

和

效

嘉

嘉

軒

不

能

字

志

尚

不

定

閨門靈秀淑陶宜爾雅文章信有之試檢國風依次讀古來女子

本能詩

五

書

讀

詩

特

效

全

能

盡

其二

對

文章

興

品

辭

意

然

讓

其

關雎本是后妃詩不與周文寤寐期窈窕深閨資內治流連荇菜

有餘思

知

正

古

十

六

節

其三

轉

齊

韻

字

甚

壯

美

音

不

葛覃卷耳繼關雎一筆文章措詞都是后妃所自作取來壓卷

最相宜

對

詩

中

與

定

音

不

能

推

曾子敬來詩祝六十三壽賦詩誌謝卽以代柬

塵海混茫茫難得是知己痛癢一無關便成無意旨毀固不足驚
譽亦不足喜見慣本尋常遇之泛泛視今晨辱贈詩披函誦原委
獎飾雖逾恆卻亦得其似小題而大作詩人本如是願更厲未盡
黽勉於未死詠此答高情芳馨襲蘭芷

懷逝二首

李忠介先生東園

西

鐵筆縱橫作作芒曹全隸法擅當行樂遊原上昭陵望猶賸瞻雲

舊草堂

陳慈首孝廉

思

博聞彊識磊多姿耽讀囊箱餘不知曾說建安饒骨力令人翹首
憶陳思

述情五古十八韻

我本多情人一切不漠視寧肯厚於繇不願薄如紙君親無可說
昆季關天只細君取其長友朋敦倫紀非無負心人旁觀怒不已
在我幾忘卻淡遠已甚矣儻或有急難仍爲籌終始以此誚癡愚
我不知所以有謂天性厚有謂昧事理我祇順自然浮雲任起止
萬物本一體何須分彼此宇宙本有情胡爲隔膜似若其罪可誅
亦不貸其死纏綿悱惻懷涼薄敢相倚此術操以行過厚任詆訾
嗟乎本此心是否誤人已澆薄日已深挽救何所恃我爲述情詩

知音願相俟

題王西雲太夫子行述寄豹叟師津門五古四十韻

吾師豹叟翁寄我先行述開緘浣薇讀握管悚戰慄追溯舊音容

語語皆紀實大理西雲公

諱聯

先世耽儒術祖

諱玉翥考

諱心培

譽膠庠殉城荷褒卹

威豐丙辰大理回民叛

公生甫弱冠刻苦靡

與匹拾薪供母炊入塾課功密小試冠其曹縣府院第一倡亂值

回岷風波震澎颶奉母奔楚雄蒼黃散家室廣平

滇西巡使宋小麓延公課子兼

司筆

款賓筵棲託獲稍逸庚申復搶狼

悍回馬

楚雄亦陷礮墮城

竟折腰蒲伏痛惕怵茅舍覲仙嫗搗藥為醫疾日出不見人恍惚

如有失到省剛喘息驚知母悸卒暈仆不欲生血淚迸橫溢癸亥

慶鐙宵叛將又違律

馬榮壯總督
潘鐸陷省垣

藩署衆依歸履險幸安謐維嶽

正降神

師生於十
六日夜

偉人爲世出厚德庇蔭深天相應陰鷺廣平護

督年主賓情肫壹補行拔萃科期考膺祿秩

以府經歷
分江西

章貢作微

官去留泯意必飲酒喜賦詩峻嶒弄椽筆改省來黔中補官與民

暱

戊寅補大
定府經歷

官衙闢菊田縱觀歎馨苾菊陰醉臥圖雅懷無深吐

有子聯登科歡忭徧蓬華卓異不題升部吏弊久窒濁世不可居

仙逝塵凡軼

卒於大定經
署五十九歲

綜公之生平卓犖備文質道氣晬盎

然終日親書帙雖云沈下僚裕後極芽峯封贈博殊榮花誥光祥

吉繼述有吾師諫草動警蹕世變值滄桑津門寄衡泌袖手作旁

觀任渠爭蚌鷓天意安可知儻有太平日與師醉菊叢雄談狂捫

蟲

孔學會五古三首以孔學會三字爲韻每首七韻

大道日沈埋疇復知宗孔邪說恣橫行颶風洶鼓動其勢不可當
濁浪拍濛瀕引之入迷途哀哀此林總講明賴有人眞理本空洞
明善可復初大氣爲渾籠天人三策高遐哉江都董

其二

謾躬先修德明德須講學先知啓後知先覺牖後覺東魯有至聖
顏猶苦其卓著述闡六經得所正雅樂弟子三千人文教富追琢
如日麗中天如山矗五嶽諸子百家言不能生比較浮雲偶蔽空
有復本有剝

其三

社會不一名巍巍孔學會俯仰宇宙間惟此會爲大其大莫與京
其大真無外聚徒而潛修雖衆摩有害孔學果發明羣生所攸賴
晦盲否塞開世界光明最推行徧五洲天地慶交泰

癸酉

耕雲先生寄詩極深感愧步韻奉和

瀛嶠詩壇獨可欽

近多詩友以耕雲先生諸作爲最

開緘莊誦佩難禁遼東管邴

思安土海上牙期重賞音棋局轉移機莫定文章氣味誼彌深
榛
峇山隰情何限望遠悠悠縞紵心

早起詩自勉也

雞鳴卽視朝聖王重早起周文日不遑日昃無暇晷姬公夜繼日

仰思求其是昊天懷旦明兢兢嚴顧諟我本困勉姿舍勤奚所恃

家法戒怠荒呵譴斥頽靡

先大人黎明卽起以早睡爲庭訓稍違輒申斥

若如星家言

後年或卽死

云六十六歲運命有厄死非意外事

溫公與歐陽東坡吾蘇子均以是

年終我愧未稍似以比諸葛公今已超其軌倘如无補翁念年亦

如矢問學旣無根敢弗加礪砥爰自訂課程奮興中宵裏清明庶

在躬湛湛如止水晨雞尙未鳴夜長無與比座鐙發奇光危坐對

淨几奧義窺聖經汲古探脩髓文債此時還思路窮原委異境忽

天開澄江散霞綺寫字更悄然濡毫一伸紙無心於求工靜氣每

足喜亟了未了事循序分遠邇夜思早卽起前途其有豸以此積

工夫一日兩日抵再假我數年豈不相倍蓰以此自勉旃以此貫
終始總有所裨益評議忘譽毀願得同調人互勗諧宮徵不息健
天行自彊窺奧旨持之貴有恆慎勿半途止及時勉著鞭死則長
已矣欲補早起勤徒令顙有泚榛苓山隰吟悵望慚彼美孳孳舜
之徒憂勞殷仰企

五古爲內子蘇利貞作君嘗欲余爲撰輓言與墓誌余謂預
凶非禮有此一篇足以括生平矣

大化肇陰陽夫婦人倫始相與貴有成家道其有豸吾年八歲時

與君昏訂指君長我數月我稱君四姊

君爲前母王太夫人甥女
故援松雪稱管夫人例

二十歸我家我方遊泮水君以遠大期間報不知喜肅肅懷宵征

戒勿暱牀第歲暮染傷寒視藥九旬裏念君伺候功勤勞靡與比

病痊食廩餼文名日鵲起癸闈鍛羽歸雀鼠纏鄉里甲午東事興

舉家避兵徙

家移省垣

我母病臥牀君獨不離邇

君獨留侍

代我供子職純

孝斯爲美三年丁內艱守禮古是企君意極謂然欽敬倍相視

三年

未入內寢彌著如賓之敬

長女已數齡戊戌始生子庚子拳匪猖兒產四朝止

逃難赴常溝步窄不盈咫千辛萬苦中艱險無踰此回邨土寇紛

擒賊動拊髀君亦不疚威謂我氣無靡沙河遇盜歸緝捕不稍已

沙河遇盜家大人聞之謂應有辦團之悔君笑謂老人曰遇險必更高興絕不稍悔云云過家卽下緝匪之令獲數名送案

交

涉辦呂邨兩番作囚士

遼署三日奉署兩月餘

君亦視平常信爲必不死保

安會幕開矛頭漸米似我時長議局四旬增馬齒家尙未移城刻

苦自礪砥析爨靡所依母家近陟配井臼躬操勞晨夕飼雞豕爲
人所不爲拾糞助耘耔爲繪鋤園圖鴻題豔墨紙約法入京師購
書滿案几恣我所欲得百家羅經史立會曰籌安紮維率染滓毅
然拒之嚴拂袖旋桑梓佳節值重陽舍君不復俟出處立大節惟
君洞真理不復惑人言決不稍遷迤獨往而獨來暫託恆豐市月
餘君始歸踴踴忘所以君洵萊翟儔較常高倍蕤虎廟結束鄰辭
選敦素履月不及百元優游共樂只君則甘如飴偕隱不求仕俯
仰天地寬兢兢惟顧諟以此自陶然新醅酌綠螳視彼勸進人庶
免頽有泚靜好對瑟琴唱和諧宮徵轉瞬政局變祕廳長書記公
餘添字課摹古吸其髓購帖不惜錢惟勗實求是如是者有年看

花欲置婢諫用鬻拳兵驅逐不少弛勸爲尋所歸媒適東園李自
是斷邪念沾泥絮已矣龍塞與龍江循循遵正軌津保作魯連出
遊避溱洧嗣後每出門塊然守孤壘留守善持家中立而不倚綜
君之生平儉勤世誰擬食不厭糟糠色不著朱紫終身大布衣曾
未置釵珥兒女督率嚴有過輒斥訾祿入雖漸豐守約仍自矢我
不理生產慷慨忘譽毀營營謀生活微君其誰恃君密補吾疏內
憂忘顧彼彼蒼憫傭勞佐家故遣爾豈眞宿債還冥漠若驅使後
人留喫著徽音頌姜妣我今爲此詩滿可當輓誄

蘇古福州梁蒞林中丞

章鉅

祕藏舊搨碑誌多種均自書跋語其

中異品眞希世之珍余錄跋語竣系之以詩

迹近鍾王氣韻深清嚴法度耐追尋六朝政教無從說墨寶真堪

冠古今

書本有法古人獨得其深後之人不如也

字法由茲可溯源變從篆隸楷書尊其中恰好臻絕頂唐宋猶嫌

氣未渾

書工院體港趨灣誤卻斯文是此關翰墨可憐少真氣相臣作俑

習如山

館閣體乃書之一種豈能盡人而為之清初策卷並不拘束聞自穆彰阿當國乃創為館體不准踰越於是無書道

之可言矣館選後欲去俗面目而習染已久極難擺脫習氣之誤人亦可憐矣

洛神一賦幻雲濤語語如形書法高子建文章右軍筆超凡入聖

到仙曹

昔年學字苦無帖亦乏師資為講探

寫字無所傳授故東塗西抹毫無所得後識田我齋乃獲

門徑 今獲大觀歌得寶飽供咀嚼味醴醴

畫裏嬋娟徒喚真樊川渴想悵尋春莫言此是黑脂虎傾國傾城

似美人

俗謂碑誌爲黑老虎且相戒勿爲黑老虎所咬予亦將受黑禍一笑

中丞好古雅懷開氈蠟誇從宋拓來持論和平無語病後來南海

逞偏才

廣藝舟雙輯推重六朝乃至詆毀唐賢未免一偏之見不可爲訓

連城價重苦難收

帖歸何子璋觀察家索價極昂恐難購到

結習不忘爲暫留

留看數日而吾

之所得多矣

獲與古人通寤寐精神楮墨接千秋

千金待漏子昂書廉價歸來遇未疏云爲奇珍覓歸宿特教帖賈

利皮虛

昔年約法會議以三十銖金得待漏院記於山右楊君真夢想不到之事楊君謂若歸帖賈得值較多然物貴得主

也後張頰老見之詫曰此千金物也今此祕寶若識此義亦應以不居奇爲合理其以爲然乎

獲叨異味比嘉肴俯仰徘徊訂石交愛煞芭林留跋語挑燈午夜

手頻鈔

希珍祕寶豈容廉東士搜奇價重添

祭姪稿真蹟五萬元
東坡寒食帖三萬元

留與後

來增價格不須計較十分嚴

樓下丁香初綻爲賦五古十七韻

客歲我來時丁香開到半及我由家歸其勢已漫爛未幾花事了
枝條賸空幹今年仍住茲日日弄柔翰爰本愛花心囑僮勤澆灌
閏五春愈遲寒重冰初斷時候四月中末由窺璀璨含英未展苞
意若有所絆下樓屢往看日日過花畔今晨眼界舒光景爲頓換
纍纍綴滿枝華萼分四瓣開遲謝更遲好景何嫌晏芳馨待有時

妙在蕊初綻開花日正多無爲憎緩慢蜂蝶尙未來掇採無所患
幾度坐花旁玩賞日習慣花亦爲欣然含笑如流盼

午節回奉與丁香作別

丁香過盛開褪紅少顏色慘白無豔姿支持不得力譬女過三十
脂粉徒虛飾今我旋奉垣別離應相憶旬日雖非久風雨未必息
迨我歸來時零落惡有極明歲再相逢暫別勿惻惻

端節後回京樓下兩樹丁香無一花矣

綠樹成陰子滿枝憑欄俯瞰可無詩樊川莫悵尋春晚曾見花開
全盛時

劉君韞珍如鐸於乾隆丁丑手寫青蓮詩百七十餘首名曰

蠶紙集字迹秀挺力透紙背迄今百七十餘年矣丁卯於
北京得之製函保存時置案頭玩索諷詠百讀不厭不可
無詩以紀成十四韻

少陵詩如聖太白詩如仙學聖如履地學仙如登天履地可循進
登天渺無巔我愛少陵詩學之已有年漸漸有所得用奉以周旋
亦愛太白詩清水芙蓉鮮吐屬無凡近筆墨幻雲煙尋之亦有迹
勿徒驚妙玄何來蠶紙集選輯錄鴻篇劉子誠惠我手寫積巨編
字法適而秀力透紙背堅學詩兼學字得魚而忘筌識之不敢忘
展卷寄誦絃庶幾凡骨換高舉逸興遄

奉派與王中江先生同充講官敬賦五古二十韻

仁廟重儒修緝熙勤敬止紫陽刊全書篤信無與比好學本生安
聞義日積徙三藩俶擾時進講不少弛所以廣聖德明命嚴顧諟
當宁紹前徽纘緒契微旨盛典啓經筵實事以求是陋彼邪說流
繆戾埽譎詭大道探本原體用澈表裏辱採葑菲姿詔書捧一紙
崇正比說書天顏進尺咫儒臣有老成追隨中江子敢不勵黽皇
俗學鄙口耳周情與孔思羹牆如見視執簡以御繁事變任所底
濬此宥密衷萬幾歸待理寂然普照中明鏡與止水先後聖合符
百世定可俟惟茲事體大天健有恆恃就將日月常孳孳在靡已

太白讀李太白詩二首

咳唾落九天隨風生珠玉此境非人間仙乎絕塵俗太白自以狀

其詩偶詠阿嬌有所觸翩翩舞袂響遏雲凡耳豈容聞此曲
太白高世懷所慕神仙侶否則逃醉鄉樽疊日與處豈其溺虛無
軒軒羨霞舉少陵襄陽外寥落孰與語
樓外見蝴蝶
長春節候晚草木始光輝生機忽動宕乍見蝴蝶飛陽氣所醞釀
微物戀芳菲及時貴行樂相賞莫相違

追懷于雲章步琴浦原韻
鞏固宗邦偉畫攄海波可弭蜃樓噓水投石拒言難入火上原燎
變突如空負鷹揚龍虎略祇留鵝換鳳鸞書良朋寥落誰堪語風
雨崔嵬渺獨予

懷徐敬宜卽步元宵有感原韻并柬齊照巖劉海泉王恩溥

王維宙諸君

無端風雨撼飄搖佳節翻成懊惱宵突變煙霾呈晦象拋殘星火
竟延燒皇天有道收鴟獍洪水何方置箠瓢賸有情懷靡處寄綺
樓長嘯破孤寥

悠悠契闊到於今遠道迢遙不可尋音斷雁鴻江海隔晦如風雨
院廊深蹉跎歲月虞磨志俯仰乾坤獨寄心惆悵故人在天末何
時聚首對牀吟

孔學會詩社課題四首

夏日

夏日令人畏冬日令人愛人曰吾冬日卻亦未可概

夏雨

春風能風人夏雨能雨人涵濡無盡量萬彙日鮮新

夏畦

荷鋤日當午苗稀草正盛猶勝脅肩人屈辱徒詬病

夏蟲

彼惟知熱鬧不可與語冰此態誰最甚營營集青蠅

王中江先生南旋留別新京諸友有詩步和

霜華滿鏡鬢如絲滬上懷歸八月時局勢危疑難逆料邦家奠定
始培基倘逢棋劫須先著欲俟河清盼有期仰止高山懷道範悠

悠杖履繫吾思

理析牛毛與繭絲
敷陳講幄說書時
臣心篤棐纏綿意
聖德高深宥密基
黃鳥詠歌懷有賦
白駒逸豫澹無期
追隨道履神俱往
無限榛苓山隰思

未聞王中江臨去之言有作

矛浙劍炊猶未險
燕巢危幕暫偷安
黃流總有澄清日
尙隔前途

十八灘

同善堂五律一首

仰止廳前立堂深
同善開碑亭森竦
峙花木幾培栽
白日怱怱去
清風習習來
願宏胞與志
微力竭涓埃

重刊雨雪

九月四日時在新京

蘇詩對御亦未可概

雲氣鬱蒼茫宵來特地涼
雨餘零凍雪節近隔重陽
時令已如此授衣相與忙
羣芳惜憔悴獨對菊花觴

十八腰酸服藥

體質素康彊向矜健腰
腳昂然抱傲骨俯仰殊
落落揮毫氣縱橫從未
示纖弱邇來忽異常酸
意潛滋作縱遇欣喜事
不敢效雀躍眞乃鞠躬
如欲前而復卻不爲馬
伏波據鞍態矍鑠不爲
衛武公威儀遜寬綽舉
趾頓安詳步趨儼謹恪
丈夫非女流胡爲態娜
娜雖未甚支離頗亦覺
柄鑿從未服參苓破戒
初嘗藥其遂奏奇效
薪憂居然霍其遂日衰
頹不復壯如昨均可聽
自然稍憩轉可樂

有勸勿似從前之勞動者姑暫休息之

隨園詩話載萬近蓬秀才

福鄞縣諸生有玉蒼詩鈔

囑李硯北寫紅袖添

香圖虛擬娉婷實無所指裘姓友見畫中人驚笑以爲絕

似其家婢遂延近蓬至其家出婢贈之婢姓花觀此一段

姻緣爲之感賦

悠悠遐想寄模糊繪得眞眞入畫圖最羨書生饒豔福何來樂正

餽香奴綺筵慨贈章臺柳

用韓翃故事

花榜如聯彼澤蒲

科場以不經見之姓爲榜

花卻笑當年作癡夢南柯覺後付長吁

孫玉泉爲寫紅袖添香圖圖同而事異猶不似萬生

之虛擬其人也

癸酉生日自敘七律四首皆賦一年所經之事

詩祝恩恩又一年去年生日鷗波吟社諸君回頭往蹟已雲煙首

山祖墓刊碑石城西八里莊祖墓向駐蹕心學經筵設講進講

詩經二書尙有心得根抄稿覓人災抄印誦詩隨筆備廬聯

棗梨也 印書開社俸餘錢入款若干牛瀧海外鑄生壙一碧堂深寄

謝箋大鳥權重郎號一碧堂散人乞

其二

佛會堅辭卻世名新京佛教總會推敢膺監院宦情櫻監察院人

雲章後任語存辱荷新鈔錄日記語存九文化猶參議事程充文

力辭獲免佳遇同車傾彼美南滿車中遇捷克女郎巴諾瓦介馬子

會發起 巳堂築屋育兒嬰元南滿車中遇捷克女郎巴諾瓦介馬子虎皮獎孝懸褒額一路郵

人贊歎聲

十里河侯鼎有孝行與灌依靜菴鈞
閣星南紹房提倡懸額以資觀感

其三

證昏開例不為常

已聲明不為人證昏矣又為孫
秀三王子衡王滋新諸君開例

施濟般般動熱

腸美校勉肩結終始

助八百元學
生獲畢業

諸書慣贈費縹緗

除自著外
四書翼註聊

齋志異稿本
每以贈人

煌煌孔學擔當力

勉膺孔學副會
長講演捐助

汲汲羣經講說忙

文敎部設敎員傳
習所為講經數次

一霎煙雲留不朽珠林勒石梵宮旁

同人為畫
師邱煙雲

立紀念碑於珠林
寺為撰文書丹

其四

嶺梅春小宿寒冲倏屆懸弧十月中腰腳願敎仍健舉

近患腰輓
亦衰象也

性天所貴日渾融文章敢比袁宏道志行特褒蘇長公

為蒼岑特
請褒額

晴雪鳴鳩誦七子孫枝燦爛喜雷同

本月四日夜雪初霽生第七孫瑞同以十月生者已六人

矣故均以同字名之

夜中夢醒有作

夢回孤枕夏鐘鉞簾影沈沈夜氣深
鐙乍開時眯睡眼詩當憶處寄閒心
時尋葩什窺經妙早過花周近綵樹
暫返故林須料理曉樓早起惜分陰

陳君樵琴遇於新京贈五古念五韻并懷張白翔伯未

龍沙歿老友定山墓有碑華宗弱一个浦雅失瑰奇與君隔多載
無由覩鬚眉棲泊雖有處音問轉游移世亂書懶寄言多恐支離
今晨大歡喜鵲噪喜報誰乍見幾不識氣概仍昔時詞鋒露慷慨

興會自淋漓歷述近年狀縷數無參差吾輩得噉飯何喜亦何悲
丈夫不得志依人橐筆隨桑海變如此得志亦何爲不如櫪驥伏
不醇亦不疵聞君杼奇抱無事常賦詩可傳有一卷可不虛生嗤
暇當賜我讀珠玉隨風吹岡嶠道遠阻赤禍正猖披催歸勿聽烏
何如隱邊陲世無乾淨土隨地任所之我旣世情遠舊學喜友師
此中有真趣可與古風期鳶魚浩吾抱俯仰靡所疑見君不忍別
談笑挹風姿願共數晨夕興來撚吟髭二張共把握樽酒安可辭

樓上置水仙花一瓶

清香拂拂縈書幌疏影離離映帳牙正苦嚴冬少生意一瓶初放

水仙花

懷逝一首

子孫茂

懷逝一首

本月

懷逝一首

懷逝一首

王聘三侍郎

乃徵

王聘三侍郎

王聘三侍郎

王聘三侍郎

王聘三侍郎

滬上棲遲已十年蜀川洶湧阻歸船老來戀闕心尤甚幸接天顏

侍講筵

風交

風交

風交

風交

風交

風交

樓上

樓上

樓上

樓上

樓上

樓上

樓上

高樓照晴旭暖入玻璃鏡兩餅水仙花娟娟競幽淨

李僕延富善養水仙他室已萎謝惟樓上獨耐久以屋涼故

也感而賦此效蓮洋體

水仙獨經久樓高氣候涼不盛不遽衰此亦理數常世人爭熱鬧

眼前過一場淡泊寧靜意清風懷南陽

得白壽山石鐫我魚書水四字系之以詩

物有相似我魚書水得之則生弗得則死

其二

竟境如如書水我魚以游以泳滿志躊躇

其三

佳石一方用作印章魚水浹洽其樂洋洋

其四

刊此四字以明吾意蜀漢君臣其知此義

孔學會詩社課題五律四首

新蟬

愛聽山蟬韻新聆第一聲先秋來報信與世本無爭繁響氣逾靜
高棲心自清呼兒莫相害留以伴幽情

鷺

萬頃江田裏翛然一鷺飛清標宜水近白羽刷塵稀閱世多傷濁
微君孰與歸蓼花閒對立淡靜欲忘機

孤雁

不與他爲偶甘心片影孤稻梁聊覓食天地可爲廬未脫塵中迹
空聞澤畔呼飄飄何所止前路徧江湖

雕

罡風能直上健極海東青凡鳥休相伍高飛每入冥氣沈凌宇宙

翻勁挾霜霰久不聞消息威稜寂北庭

吳蓮洋

名賢生長重珂鄉況是千華鍾毓良若準昌黎韓愈例蓮洋應自

署遼陽

蓮洋以順治元年生於遼陽七年父允升以舉人授蒲州學正即使隨眷赴任蓮洋是時已七歲矣

甲戌

王采老贈詩依韻奉和呈贈

敢謂困舟風義敦雪深三尺仰程門追隨海岫轍環徧

考察警務充隨員

歌詠湄潭循績尊

湄潭治績譜之管絃

寰宇幹旋空有志蓬廬清苦永無言

艱難漢鼎三分業莽莽秋風五丈原

三鹿樵副總裁贈高鳳翰所藏老學菴著書第二硯賦五律

雙燕五二首

愛硯夙凝癖著書愧未成
放翁遺物古高子勒銘精
脫手慙慙意縈懷感荷情
書窗日相伴煥發墨香清
空言志教瀛書苦水滅言

其二

飛燕印難得曾聞愛護深
著書珍舊硯嗜古獲知音
蕉葉層層迹梅花樹樹心
劍南如相接俯仰寄孤吟

旅順觀櫻

巍巍官邸樹奇葩特地來
觀路忘遐萬朶琪花競璀璨
千絲碧柳襯芳華悠然氣韻
風痕澹絕世丰神雪影斜
更展瓊筵恣飲啖觥籌交錯
醉流霞

參觀邵氏宗祠并遊葡萄園

規模嚴整肅崇祠頓觸春秋霜露思遠紹堯夫恢大業壯觀寧海

奠宏基室家胥宇連牆式

五宅同式并宗祠爲六

節孝勒碑

潘孺人之碑爲余所書時正摹

榻

初搗時更看葡萄千百架綠雲如幄葉紛披

至曲模亭果園主人置酒座有邵慎亭郭子理劉均堂

碧桃叢裏燦紅霞山半樓高路轉遐關地成林千顆果繞筵團擁
數枝花邨肴野蔌饒風味拇戰雄譚到日斜惆悵驅車未忍去回
頭猶望樹周遮六首

至響水觀

居然別有一山林曲磴盤桓緩步臨靜地紅塵痕不到遮天綠樹

影交侵瑤琴洞古陰森氣

院有石碣鐫瑤琴洞三字
洞有石徑頗長俯可入也

響水觀幽清

冷音

響泉
常流

最羨媧皇功煉石

媧神像
觀供女

彌縫缺陷愜人心

手懸懸意

遊鱗孔社詩課六首

嫖妓其古琴

裡海鷗風和掛彈孤鶴曉日徐開遊翠車未忍去回

聲希復味淡何處覓知音焦尾痕猶在中郎賞識心

果燕劉磨鏡

梅花其古劍

學吳園主長置節舊市清則亭將千野隆以堂

延津龍未化光彩斗牛橫俠氣應韜晦匣中寂不聲

寶書其古書

言老製據天機編錄賦類精簡卷傳寶錄
新編人字補遺

愛好真成癖陳編日與親古香與古色如見古之人
葉根賦職新

古畫
宗師共獲諸詩圖

良工最心苦歲久落丹青留得精神在千秋奉典型

苔痕

綠意侵尋著力滋院深人靜雨餘時憐渠屐齒休輕印留作騷人
寫景詩

花影

日高映帶疊重重深苑宮嬪嘆惱儂剛盼夕陽收拾去又來月色
夜溶溶

懷逝二首

曾子敬顧問 有翼

壯慕事功晚好佛鐵錚庸俊播名聲兩層知己邀深識

前歲君贈
五古一首

極稱知己又以澤兒在哈遇事奔走
兼承辦善後君極感荷至歿不忘

感歎欷歔出至誠

王煥川居士 星原

般若頽殘瓦礫叢

省南關之般若寺頽廢有年矣君為興復之

精誠金石力能通

辛著

卒底於成

我來重觀莊嚴日微雨櫻花照眼紅

寺開光日為九月初旬院內櫻花忽然開放曾

紀有詩之

備廬詩存卷四終